

宛平縣志

卷之一

宛平縣志

宛平縣公署繕製
第 頁

宛平縣志

宛平縣公署繕製
第 頁

宛平縣志

宛平縣公署繕製
第 頁

宛平縣志

宛平縣公署繕製
第 頁

宛平縣志

宛平縣公署繕製
第 頁

宛平縣志目錄

第一卷地理

分野

沿革

疆域

形勝

風俗

山川

古蹟

宛平縣志

墳墓

順天府宛平縣志凡例



一縣舊無志統之於府志中以其附郭也邇者邑侯王公念其缺典慨然謀創造之以備稽考會兩張公尹京兆檄修邑志王公乃禮聘泰等分任其事且敦請

右中允兼翰林院編修紫來米先生以董其成創始於康熙二十二年十二月中浣之吉告成于康熙二十三年五月上浣之吉

一志雖外史而體例須嚴必摠以提綱詳以條目

宛平縣志

宛平縣志卷之四
第 頁

隨事附入條目而以提綱貫之其綱有六曰地地曰營建曰食貨曰政事曰人物曰藝文一遵庚戌年重修府志時所定體例焉

一地理雖滄桑不變而營建則古今異宜博採羣書覆按府志匪云該備咸有實徵

一食貨乃國計民生所係惟正之供代有不同獨我

皇清欽頒賦役全書乃昭代之令甲也志一遵之一政事為有司職掌歷來因革攸殊無暇備考但

載今制至於宮師中有政教茂異可稱循吏者
仍應呈請祀入名宦祠中

一人物必據紀載所傳鄉評所允然後敢入凡旌
表已及自當文書其他無論大端一節亦必詳
載之以闡幽光以彰獎勸若乃德盛身存例不
敢入應俟後人倫定

一藝文在外郡縣俱無

綸音兩縣為首善之地政化所先伏讀

皇謨有關縣政者恭錄卷首餘如古今名臣奏疏紳

士詩詞或人係本地則文不必拘或文關本地
則人亦不必拘也

一國史每類例皆有序郡邑之志亦然今仍之但
茲志也採輯未廣聞見未周語既猥鄙事或闕
遺如有增益其事潤色其文者敬俟之 博雅
君子

修志姓氏

順天府宛平縣知縣 王養濂監修

順天府儒學教授 邢吉士

順天府儒學訓導 張調鼎

右春坊右中允兼翰林院編修 米漢雯鑒定

順天府舉人 李開泰

順天府恩貢 郝尚禮

順天府歲貢 徐北斗 編輯

順天府儒學廩膳生 張采

宛平縣志

宛平縣公署繕製
第 頁

順天府儒學增學生 陳國銳校正

宛平縣禮房 王士源同輯

分野小叙

今夫天下之勢雖殊而理與氣實相為通其相通之際天地未嘗示人而即示以列星之進退隱見焉故某星見于某方其為吉為凶即以徵某地之休咎星家占之史冊著之班班可考也諸星且然則二十八宿之分涖九州諒不可誣矣宛平為順天首邑地列艮寅之交古稱幽燕之域考之星紀箕尾二宿實式臨之雖諸家所說二宿之度數畧有不同然未有外二宿而別屬者蓋由於推步占驗古人皆確有灼見而云然也今志中首列分野夫亦地不敢先天以卑從尊之義哉

分野

我

朝定鼎於燕凡九州之分星莫不旋拱

神京非必如昔人列土分封各有限制也然陰陽之精其本在地地有高下南北而上發於天迺為列星自是推步占驗之儔莫不按度分次而考求之匪則失以毫釐訛以千里矣嘗考

帝都在艮維寅方上應列宿當屬析木之次尾箕之分周天三百六十五度四分度之一約之為

二十八宿再約之為十二次次凡三十度析木三十度正覆在燕分之上宿度多寡不等而尾星實隸十九度箕星實隸十一度合之亦當三十度故春秋元命苞曰尾箕散為幽州分為燕國帝王世紀又曰自尾十度至斗十度百三十五分終為析木之次於辰在寅所謂攝提格也漢劉向亦曰燕地尾箕分野自尾四度至斗六度謂析木之次爾雅曰析木謂之津釋者言屬天漢之津梁為燕分也天文志云自尾十度

南斗十一度為析木於辰在寅燕之分野也
是中台之下下台之上又曰冀主北斗樞星又
曰辰星主燕趙代三疆唐志亦曰尾箕析木津
也初尾七度中箕五度終南斗八度應北平漁
陽等郡夫天之高星之遠故非人得私臆窺測
彷彿其形體然取諸家之說而考究之其分度
之差雖有不同大約皆以析木尾箕為準或又
以為

帝都之宿無容多喙至所屬諸邑散處殊方豈無

更隸乎不知邑有沿革而象之在天者究不可
易間嘗考霸之大城或以為昴畢之分昴畢西
方宿也何以應在燕分遡大城古平舒也平舒
昔為趙地趙之分星原是昴畢今以霸州隸順
天謂大城屬昴畢從其始宿名之也何異焉雖
然有其星則有其占有其占則有其驗使無占
驗雖以析木尾箕為燕分亦徒觀其象而已何
以信其必然也觀天象尾九星雨水旦中大暑
立秋昏中九星如尾象故名尾近心一星為后

妃次三星為三嬪末二星為妾媵其占九星均明大小相承則后宮敘而多子箕四星驚蟄旦中處暑昏中四星如箕象故名箕箕有古象為教客蓋箕以簸揚古以表章又受物有去來之義也其占明朗則無讒間凌襍災咎所從來矣昴七星隸十一度處暑旦中立春昏中其占明則訟獄平天下安畢八星隸十七度白露旦中雨水昏中其占明大萬方來貢天下安以上誌家由推步而定列宿之分泣下土由占驗而決

推步之無譌皆有徵應非臆說也雖其間度數之盈縮少有不同而照臨幽燕者大約不離箕尾二星近是此天地之理相通而數之所以不可外也幽燕今為帝都順天府宛平祇附府之縣其分野與府為一明矣但恐天道幽遠難知故備錄諸家之說以俟參証以求不誣云爾

沿革小叙

粵自洪濛初分天開於子地闢於丑其為大輿
凝結深厚廣博歷億萬紀而不可移易莫如地
者矣胡為而又有沿革之可紀乎夫不可移易
者地之體其不得不沿革者歷代帝王君其地
者州之郡之國之制度之升降既殊廣狹亦別
隨時命名竟不相襲此地之因人改易勢使然
也三代以上無郡縣名自秦有天下始立郡縣
而後幽州又有漁洋上谷郡名漁洋所隸舊有
薊縣唐析薊之西鄙為幽都縣遼改宛平迄今
歲逾五百餘而縣之名未嘗易焉雖前之屢更
後之相襲固屬歷朝制度究不外此一片土宇
今茲邑東初創不憚備詳以便後來之觀覽也

沿革

宛平之為縣也始於遼釋名曰燕宛取宛宛然以平其義其在遼以前自秦至隋與大興同為薊縣唐析薊之西界置幽都縣即顓頊所都之帝丘地也而薊始分為二邑矣相沿至遼又改幽都為宛平其名歷金元明不易

國朝亦因之接其疆域實在禹貢冀州大陸地中舜析冀州東北界為幽州周武王封召公奭於燕燕即在幽州境內秦并天下罷封建而郡縣

之遂以幽州為漁陽上谷地漢元鳳初改為廣陽郡晉唐曰范陽至石晉時地入契丹陞為南京幽都府復改為析津府號燕京宋宣和中金得之以歸宋立為燕山府未幾又入金稱燕京復改燕京之名曰永安其府曰大興元至元初建中都屬大都路復立順天路此順天得名之初也明洪武改元設北平布政使司以大興府為北平府稱省會焉永樂中遷都北平易府名曰順天附郭者二邑東為大興西仍宛平之名

訖今不易縣治在

宮城地安門外迤西積慶坊

宛平縣志

宛平縣公署繕製
第 頁